

上取等第拾名

鄭廷鑾

鳳池書院
在院

74996/3257(9)

UNIVERSITY OF TORONTO LIBRARY
130 St. George Street
Toronto, Ontario M5S 1A5
Canada

正氣完合尚無隔闕之弊

錯諸枉能使枉者直樊遲退見子夏曰鄉也吾見於夫子而

問知子曰舉直

錯繼舉以神其使未達者因首述夫舉直焉蓋錯枉而枉者能直

正繼所舉以神其使也子豈僅為問知發乎遲泥於言知宜其向

子夏而首述舉直歟今夫癉惡即彰善之權於所癉而行其化導

則向之所為癉惡者無不歸於彰善矣乃黜逐雖嚴實妙陶裁成

之用。而疑懷待釋。難忘拔擢之言。使第以禪惡微權。濟乎彰善。胡
為索解同堂。轉先以彰善為述也。遲未達而子曰舉直。夫舉直知
者事也。遲所達也。然而遲不止。問知已也。知不止。舉直已也。夫有
直不能無枉。有舉不能無錯。子故復申之以錯。諸枉矣。枉即未檢
閑。敢越而依回相雜。亦難安正士之心。惟逆逐所加。不留寬貸。則
錯枉正無妨。舉直也。故廊廊朝廷。激濁維嚴。不過妙揚清之用。錯
即非郊遂相移。而偏黨未消。已亦難廣登庸之路。惟刑威所及。仍
寓陶鎔。則錯枉正以濟舉直也。故廊廟去邪必力。無非為樹德之
基。錯枉而使枉者直。蓋神其枉者正。以濟繼所舉也。子豈僅為言
問。知言乎。且遲亦豈僅有問。知言乎。然而遲未達也。未遲而退若
皇然。吾知遲於錯枉使直者疑之。將並其舉直者亦疑之矣。何也。
蓋以為錯枉使直者之事。若不相通。况淑慝有權。先重以尊賢得

當則所謂錯枉使直者。夫何關乎舉直也。且以為錯枉舉直者之
言已若枉相悖。况庶頑是化。先加公正維宗。則所謂錯枉使直者。
又何與乎舉直也。果也。見吾子夏為之理。前說曰。鄉也。吾見夫子
而問知。因舉子之先言知者。述之曰。舉直一言而先明簡拔。子固
將擴明哲之胸襟。而子曰。舉直。子原不第曰。舉直也。乃遲則滋惑
矣。離函丈以索居。向師門而進白。一若緬維教術。轉難忘簡拔之
言。雖鄉之所聞。有甚重於簡拔外者。而簡拔已先聞也。得不即舉
直而首述之一語。而先屬登庸。子固將破迂拘之見。意見而子曰。
舉直。子更不第曰。舉直也。乃遲則滋疑矣。昔侍先生而莫瀆。今來
同學以相商。一若親領訓詞。轉若難置升庸之語。雖子之所告。有
更神澄於升庸中者。而升庸已有聞也。得不即舉直而先述之。子
曰。舉直。子豈僅為問知發乎。固合錯枉使直而知以成身仁身遲。

請述之。遲仍未達也。得子夏而夫子之言明矣。

賦得四月清和雨乍晴

得晴字五言六韻

四月風光好。清和氣正平。恰纔春已過。又值雨初晴。風淡連

番拂雲開一色明。不寒兼不暖。宜刈且宜耕。泥滑猶呼鳥。山

深始到鶯。

液池佳景麗。賞玩足怡情。

0

上

拾